

Broj: 01-04-13-07337/2025
Datum, 21.11.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 12-12-2025			
Org. jed.	Broj	Priloga	Vrijednost
05/2	-02-	635	/25

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Sekretarka – Aida Hadžić-Salkić

veza vaš akt broj: 05/2-02-632; 634; 635; 636/25 od 05.11.2025. godine

n/p – delegatkinja Sandra Imširović

FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
GENERALNI SEKRETARIJAT

n/p – generalna sekretarka - dr. sci. Edita Kalajdžić

PREDMET: Odgovor na delegatsko pitanje, dostavlja se, -

Poštovani,

Federalna uprava za inspekcijske poslove zaprimila je dana 14.11.2025. godine delegatsko pitanje koje je na 22. Sjednici Doma naroda Parlamenta Federacije Bosne i Hercegovine postavila delegatkinja Sandra Imširović vezano za vršenje inspekcijskih nadzora u TE Tuzla, posebno u Bloku 5, u posljednjih godinu dana, zatim utvrđena prekoračenja dozvoljenih vrijednosti emisija i sankcije izrečene odgovornima.

Inspekcije koje su vršile kontrolu blokova TE Tuzla su: Federalni urbanističko-ekološki inspektorat i Federalni rudarsko, termo i elektro-energetski inspektorat, koji su i dali učešće u pripremi sljedećeg odgovora:

Federalni urbanističko-ekološki inspektorat:

Postupajući federalni inspektor zaštite okoliša Federalnog urbanističko-ekološkog inspektorata je u posljednjih godinu dana izvršio ukupno šest inspekcijskih nadzora nad operatorom JP Elektroprivreda BiH, Podružnica Termoelektrana Tuzla, od kojih je jedan u svrhu kontrole emisije prašine na Bloku 5. Ističemo da se prilikom inspekcijskih nadzora Termoelektrana Tuzla posmatra kao tehnološka cjelina, osim u vanrednim situacijama, kao što je to bio slučaj s povećanim emisijama na Bloku 5 u periodu od 19. do 21. oktobra, te se inspekcijski nadzori u pravilu ne vrše u odnosu na pojedinačne blokove, već u odnosu na postrojenje kao cjelinu. Dakako, ova praksa je podložna izmjenama u cilju unapređenja nadzornih aktivnosti.

Takođe ističemo da je uvidom u Okolinsku dozvolu operatora JP Elektroprivreda BiH, Podružnica Termoelektrana Tuzla broj: UPI 05/2-02-19-5-242/21 MK od 01.08.2022. godine, federalni inspektor zaštite okoliša utvrdio da **važecom Okolinskom dozvolom operatoru**

nisu definisane granične vrijednosti emisija zagađujućih materija u zrak, te da se odredbe Pravilnika o graničnim vrijednostima emisija zagađujućih materija u zrak („Službene novine Federacije BiH“ broj 3/13, 92/17) ne odnose na operatora budući da je obuhvaćem Nacionalnim planom smanjenja emisija (NERP), u skladu sa članom 4. Pravilnika o izmjenama i dopunama Pravilnika o graničnim vrijednostima emisija zagađujućih materija u zrak („Službene novine Federacije BiH“, broj: 92/17).

Imajući u vidu da navedeno ograničava nadzorne aktivnosti i donošenje pravno osnovanih upravnih mjera kao i izricanje prekršajnih naloga, federalni inspektor zaštite okoliša je od Federalnog ministarstva okoliša i turizma zatražio pojašnjenje u kojem će se navesti primjenjive granične vrijednosti za postrojenja obuhvaćena NERP-om, kao i druge tehničke i investicione mjere zaštite zraka odnosno dodatno usklađivanje Okolinske dozvole sa aktuelnim stanjem uzimajući u obzir činjenicu da se predmetna Okolinska dozvola temelji na izgradnji Bloka 7 što je u potpunosti obustavljen projekat.

U vezi sa povećanim emisijama na Bloku 5 u periodu od 19. do 21. oktobra, na osnovu inspekcijskog nadzora izvršenog 24.10.2025. godine, a uzimajući u obzir činjenicu da je operator već bio postupio u skladu sa odredbama člana 51. Zakona o zaštiti zraka („Službene novine Federacije BiH“ broj 72/24) te obustavio rad Bloka 5, federalni inspektor zaštite okoliša je rješenjem broj: UP1-10-19-3-02992/2025-1008-8-P od 27.10.2025. naložio otklanjanje kvara koji je doveo do povećanja emisije prašine na Bloku 5, prije ponovnog pokretanja Bloka 5.

Dana 07.11.2025. operator je dostavio obavještenje o ulasku u pogon Bloka 5 dana 06.11.2025. godine, nakon završetka radova na sanaciji kvara postrojenja Bloka 5 koji je uzrokovao povećanje emisije prašine i izlazak Bloka 5 iz pogona dana 21.10.2025. godine.

Ističemo da, prema NERP-u, najkasnije do 31.12.2027. godine stvarne emisije moraju dostići maksimalne emisije za 2027. Godinu, tako da nakon tog datuma sva postrojenja koja ostaju u radu moraju biti usklađena sa graničnim vrijednostima emisija u skladu sa Prilogom I-III pod B Pravilnika o graničnim vrijednostima emisija u zrak iz postrojenja za sagorijevanje („Službene novine Federacije BiH“, broj: 92/17), odnosno termoblokovima bez postrojenja za odsumporavanje i denitrifikaciju zabranjuje se rad nakon isteka 2027. godine.

Federalni inspektor zaštite okoliša će nastaviti vršiti kontrolu provođenja propisa i poduzimati zakonom propisane mjere iz svoje nadležnosti.

Federalni rudarsko, termo i elektro-energetski inspektorat:

Federalni inspektori elektro-energetike i federalni inspektor posuda pod pritiskom, koji djeluju u okviru Federalnog rudarsko, termo i elektro-energetskog inspektorata, su u 2025. godini izvršili inspekcijske nadzore u TE Tuzla, kao i Bloku 5 TE Tuzla, i to:

1. Federalni inspektori elektro-energetike:

- 1.1. Početkom novembra 2025. godine izvršen je inspekcijski nadzor bloka 5 u TE Tuzla na okolnosti isključenja Bloka 5 zbog enormno povećane emisije prašine na ispustu Bloka 5, te održavanja i ispravnosti elektrofilterskog postrojenja Bloka 5, pri čemu je utvrđeno sljedeće:
 - Subjekt nadzora je u periodu od 01.03.2025. do 15.03.2025. godine izvršio remont elektrofilterskog postrojenja i ostalih elektroenergetskih postrojenja Bloka 5 TE Tuzla. Nakon izvršenog remonta data je ocjena da su elektrofilteri **ispravni za rad**.

- Otežan ili onemogućen rad elektrofiltera, a zbog čega je došlo do povećane emisije prašine na ispustu Bloka 5, je uzrokovan povećanjem nivoa pepela u koševima elektrofiltera zbog tehnoloških problemima u radu mašinskog postrojenja pneumatskog transporta pepela;
- 1.2. Pored navedenog inspekcijskog nadzora Bloka 5, federalni inspektori elektro-energetike su u februaru 2025. godine izvršili inspekcijski nadzor CS Modrac TE Tuzla i nisu utvrđeni propusti po kontrolisanim pitanjima.

2. Federalni inspektor posuda pod pritiskom:

U toku prvih jedanaest mjeseci 2025. godine, od strane federalnog inspektora posuda pod pritiskom obavljeno je ukupno 33 (trideset i tri) inspekcijskih nadzora u JP Elektroprivreda BiH d.d. Sarajevo, Podružnica „TE Tuzla“, sačinjena 33 (trideset i tri) zapisnika o inspekcijskom nadzoru i izdata 32 (trideset i dva) Rješenja o upotrebi posuda pod pritiskom.

Dinamika izvršenih nadzora u 2025. godini prikazana je u tabeli.

Lokacija Termin	Blok 3		Blok 4		Blok 5		Blok 6		Hemijska priprema vode		Elektroliza	
	Zap	Rj	Zap	Rj	Zap	Rj	Zap	Rj	Zap	Rj	Zap	Rj
Januar 2025							4	4				
Maj 2025	10	10	4	4			3	3				
Septembar 2025									1	1	1	1
Oktobar 2025					2	2						
Novembar 2025			2	2	2	1	4	4				
UKUPNO	10	10	6	6	4	3	11	11	1	1	1	1

U toku 2025. godine, od strane ovlaštenih osoba Podružnice „Termoelektrana Tuzla“, nisu prijavljeni problemi u radu i održavanju posuda pod pritiskom.

Tokom inspekcijskog nadzora federalnog inspektora posuda pod pritiskom u novembru 2025. godine, nisu uočeni problemi u radu i funkcionisanju posuda pod pritiskom Bloka 5, niti su uočene primjedbe na izvedeno stanje, funkcionalnost i tehničku ispravnost opreme, instalacija i uređaja instaliranih na posudama pod pritiskom na Bloku 5.

U vremenskim periodima u kojima su izvršeni inspekcijski nadzori od strane federalnog inspektora posuda pod pritiskom nisu uočeni problemi u radu i funkcionisanju posuda pod pritiskom.

3. Federalni rudarsko, termo i elektro-energetski inspektorat putem nadležnih inspektora će nastaviti sa kontrolom provođenja propisa koji se odnose na stanje pogonske ispravnosti i sigurnosti elektroenergetskih postrojenja kao i funkcionalnosti i tehničke ispravnosti opreme, instalacija i uređaja instaliranih na posudama pod pritiskom.

S poštovanjem,

M.P.

DIREKTORICA

Ivana Prvulović

Dostavljeno:

1. Sekretarka Doma naroda Parlamenta FBiH – Aida Hadžić-Salkić
2. Sandra Imširović – delegatkinja;
3. Generalna sekretarka Vlade FBiH – dr.sci. Edita Kalajdžić
4. a/a